

Келісілді:
«Ақмола облысы мәдениет
басқармасы» басшысы



Бекітілді:

«Көкшетау» МС
МҚКК директоры
А.Н. Курманова



Абай Құнанбайұлының 180 жылдығына,
Тәттімбет Қазанғапұлының 210 жылдығына арналған
«Жас батыр – 2025» облыстық байқауының
ЕРЕЖЕСІ

«Көкшетау» мәдениет сарайының ұйымдастыруымен, Абай Құнанбайұлының 180 жылдығына, Тәттімбет Қазанғапұлының 210 жылдығына орай қазақ халқының мәдениетін, салт-дәстүрін, тілін, тарихын қадірлейтін «Жас батыр – 2025» атты ер балалар байқауы өткізіледі.

Мемлекет басшысы Қасым-Жомарт Тоқаев Қазақстан халқын Жаңа 2025 жылмен құттықтауында «Ұлы Абайдың 180 жылдық мерейтойын лайықты атап өтуіміз керек», - деді. Абай Құнанбайұлы мен Тәттімбет Қазанғапұлы – қазақ халқының мәдениеті мен руханиятының алтын діңгектері. Абай Құнанбайұлы – қазақ әдебиеті мен философиясының кемеңгері, ағартушы және реформатор. Оның өлеңдері, кара сөздері мен философиялық ойлары ұлттық мәдениетіміздің тереңдігін танытып, халқымызды білім мен ғылымға шақырды. Абайдың шығармалары әділет, адамгершілік және ұлттық сана-сезімді дамытуға бағытталған. Орыс және еуропа мәдениетімен жақындасу арқылы қазақ мәдениетін жаңартуды көздеген реформатор Абай – қазақтың ғана емес, адамзаттың ақыны.

Тәттімбет – өзінің шертпе күй дәстүрін қалыптастырған дарынды күйші-композитор. Оның күйлері өмірді терең түсінген, ойшыл, қиялшыл жанның сыры мен сезімін аңғартады, ұлттық болмыс пен даланың рухын бейнелейді. Тәттімбеттің шығармалары қазақ өнерінің асыл мұрасы ретінде бүгінгі күнге дейін мәнін жоғалтқан жоқ.

Абаймен Тәттімбет – қазақ халқының дәстүрі мен өнерін ұрпаққа аманат еткен ұлы тұлғалар. Олардың шығармашылығы – жас ұрпақты тәрбиелеудің, ұлттық құндылықтарды насихаттаудың үлгісі. Бұл байқау арқылы ұлы мұраны құрметтеп, жас буынға жеткізу – біздің парызымыз.

БАЙҚАУДЫҢ МАҚСАТЫ:

- Ұлттық құндылықтарды насихаттау: Абай мен Тәттімбеттің рухани және мәдени мұрасын дәріптеу арқылы жас ұрпақтың бойында ұлттық сана мен патриоттық сезімді қалыптастыру.
- Өнер мен білімге баулу: Қатысушылардың шығармашылық қабілеттерін арттырып, өнерге, әдебиетке және ұлттық мұраларға деген қызығушылықтарын ояту.
- Ұрпақтар сабақтастығын қамтамасыз ету: Ұлы тұлғалардың шығармашылығы арқылы дәстүр сабақтастығын сақтау және ұлттық мәдениетке деген құрметті нығайту.
- Өскелең ұрпақ арасында қазақ тілін насихаттау.

БАЙҚАУ ШАРТТАРЫ:

Байқау екі кезеңнен тұрады:

I - іріктеу кезеңі

II - қорытынды кезеңі

Аталмыш байқауға Ақмола облысының орта мектептерінің 5-6 сынып ер балалары қатыса алады.

БАЙҚАУ КЕЗЕҢДЕРІ:

1. «Таныстырсам өзімді...» - таныстыру (1-1,5 минут).
2. «Дала даналарының ізімен» - театрландырылған көрініс (Абай Құнанбайұлы немесе Тәттімбет Қазанғапұлының шығармаларынан/өмірлерінен үзінді) - (3-4 минут)
3. «Өнер мен ойдың өрнегі» - өнер көрсету (ән, би, күй және т.б.) (3 минут).

БАЙҚАУДЫҢ КРИТЕРИЯЛАРЫ ЖӘНЕ ЖЕҢІМПАЗДАРДЫ МАРАПАТТАУ:

- Тақырыптық мазмұн;
- Сахналық киімі, сахна мәдениеті;
- Актерлік, әртістік қабілеті;
- Орындау шеберлігі;
- Өзін-өзі сахнада ұстауы;
- Сахналық образының болуы;
- Сөйлеу мәдениеті.

Қазылар алқасы қатысушыларға байқаудың қорытындысы бойынша жүлделі орындар тағайындап, дипломдар мен сыйлықтар табыс етеді.

Қазылар алқасының шешімі соңғы болады және қайта қарастырылмайды.

БАЙҚАУҒА ҚАТЫСУШЫЛАР ТУРАЛЫ МӘЛІМЕТ:

1. Байқау өтінімдері **2025 жылғы 12-ші ақпанға** дейін қабылданады.
2. Іріктеу кезеңі – үміткерлер **2025 жылғы 17-ші ақпанға** дейін толық бағдарлама бойынша бейнежазбаларды жіберулері тиіс.
3. Іріктеуден өткен үміткерлер үшін байқау «Көкшетау» мәдениет сарайының үлкен залында **2025 жылдың 28-ші ақпан күні сағат 15-00-де** өтеді.
4. Қатысушылар ұйымдастыру алқасына **өтінім парағы** мен міндетті түрде **шығармашылық мінездемесін** қоса беруі тиіс:

Өтінім

Қатысушының аты-жөні, байланыс телефоны	Туған жылы, айы, күні	Аудан атауы, оқу орны, мектеп, сынып	Байқауда орындалатын бағдарлама	Жетекшісінің аты-жөні, байланыс телефоны

Байқауға қатысамын деушілер өз мәліметтерін «Көкшетау» мәдениет сарайының dvorec123@mail.ru электрондық поштасына жіберуі тиіс.

Мекен-жайымыз: **Көкшетау қаласы, Ақан сері көшесі, 90**
«Көкшетау» мәдениет сарайы

Анықтама телефондары: +7 (7162) 52-37-36

Ресми сайт: <https://dkk.kz/>

Instagram – [@kokshetaumadenietsaray_aqmola](https://www.instagram.com/kokshetaumadenietsaray_aqmola)

Facebook – Дворец Культуры "Кокшетау"